

**Служба преподобномученице Анне (Ежовой), инокине
(29 августа н.ст.)**

В Ё Ч Е Р

**На Господи, воззвах: стихиры праздника 3 и стихиры святой,
глас 8.**

О, пресла́внаго чудесе́!/ Ёвина дщи избежа́ преле́сти змиевы,/ преподобномученица Анно честна́я,/ ея́же ле́пота душе́вная/ Це́ркве Ру́сския бысть украше́ние,/ та бо, страда́ния Христа́ ра́ди нивоче́мже вменя́юще,/ претерпе́ суди́ще беззако́нное./ Сего́ ра́ди на Стра́шнем Суде́ Христо́вом// ми́лостивая засту́пница нам бу́дет.

О, блаже́ннаго изволе́ния!/ Сомани́тида дре́вле проро́ка Бо́жия Елиссе́я почти́/ во дни отступле́ния Изра́иля от Бо́га,/ ты же, преподобномученице Анно,/ во дни гоне́ния безбо́жнаго в земли́ на́шей/ Тро́ицу Святу́ю небо́язненно испове́дала еси́/ и кончи́ну му́ченическую прия́ла еси́./ Сего́ ра́ди ны́не Престо́лу Бо́жию предсто́иши// и мо́лишися спасти́ся душа́м на́шим.

О, ве́лия благоче́стия си́ло!/ Па́вел хва́лит благоче́стивую жену́, лю́бящую му́жа своего́,/ и наипа́че ублажа́ет де́вство Христа́ ра́ди,/ ты же, преподобномученице Анно,/ Христа́ я́ко Небе́снаго Жени́ха возлю́бивши,/ вся кра́сная ми́ра оста́вила еси́/ и сме́рть му́ченическую прия́ла еси́./ Ны́не же с ли́ки му́дрых дев предсто́иши одесну́ю Христа́,// моля́щи спасти́ся душа́м на́шим.

Сла́ва, глас 3:

Раче́ние божество́нное стяжа́вши,/ изгна́ние и лю́тая страда́ния му́жественне претерпе́ла еси́,/ преподобномученице Анно достосла́вная,/ сего́ ра́ди от тьмы ве́ка сего́/ к Незаходи́мому Све́ту и жи́зни ве́чней возшла́ еси́,/ иде́же вку́пе с новому́ченики и испове́дники Росси́йскими мо́лишися,/ о́ еже сохра́нися земно́му Оте́честву на́шему в Правосла́вии// и спасти́ся душа́м на́шим.

И ны́не, праздни́ка:

Вход. Прокі́мен дне.

1. Пророчества Исаина чтение.

Тако глаголет Господь: вси языцы собрашася вкупе, и соберутся князи от них. Кто возвестит сия в них? Или яже от начала, кто слышана сотворит вам? Да приведут свидетели своя и оправдятся, и да услышат, и да рекут истину. Будите Ми свидетели, и Аз Свидетель, глаголет Господь Бог, и отрок, егоже избрах, да познаете и веруете Ми, и разумеете, яко Аз есмь, прежде Мене не бысть ин бог и по Мне не будет. Аз есмь Бог и несть, разве Мене, спасаяй. Аз возвестих и спасох, уничижих и не бе в вас чуждий. Вы Мне свидетели, и Аз Господь Бог, и еще от начала Аз есмь, и несть от рук Моих избавляяй. Сотворю и кто отвратит то? Сице глаголет Господь Бог, избавляяй вас, Святый Израилев.

2. Премудрости Соломони чтение.

Праведных души в руке Божией, и не прикоснется их мука. Непщевани быша во очесех безумных умерети, и вменися озлобление исход их. И еже от нас шествие сокрушение, они же суть в мире. Ибо пред лицом человеческим, аще и муку примут, упование их бессмертия исполнено. И в мале наказани бывше, великими благодетельствовани будут: яко Бог искуси я, и обрете их достойны Себе. Яко злато в горниле искуси их: и яко всеплодие жертвенное прият я. И во время посещения их возсияют, и яко искры по стеблию потекут. Судят языком и обладают людьми, и воцарится Господь в них во веки. Надеющиеся Нань разумеют истину, и вернии в любви пребудут Ему. Яко благодать и милость в преподобных Его, и посещение во избранных Его.

3. Премудрости Соломони чтение.

Праведницы во веки живут, и в Господе мзда их, попечение их у Вышняго. Сего ради примут царствие благолепия, и венец доброты от руки Господни: зане десницею покрывает я, и мышцею защитит их. Приимет всеоружие рвение Свое, и вооружит тварь в месть врагом. Облечется в броня правды, и возложит шлем, суд нелицемерен. Приимет щит непобедимый, преподобие: поострит же напрасный гнев оружие: споборет же с Ним мир на безумных. Пойдут праволучныя стрелы молниины, и яко от благокругла лука облаков, на намерение полетят. И от каменометныя ярости, исполнь падут грады. Вознегодует на них вода морская, реки же потопят я нагло. Сопротив станет им дух силы, и яко вихор развеет их: и опустошит всю землю беззаконие, и злодейство превратит престолы сильных. Слышите убо царие и разумеите, навыйкните судии концев земли. Внушите держащии множества, и

гордящихся о народах язык. Яко дана есть от Господа держава вам, и сила от Вышняго.

На стиховне стихиры, глас 4.

Дал еси крепость и силу/ боящейся Тебе, Господи,/ преподобномученице Анне,/ победити видимых и невидимых враг,/ якоже древле святым мученицам женам./ Темже ныне воспевают ю священницы/ и величают вси людие земли Русския,/ яко не пощадё души своея// великия ради славы Твоея.

Стих: Дивен Бог во святых Своих, // Бог Израилев.

Яко виноград прекрасный,/ в земли нашей/ насадитя Господь,/ матери богоблаженная Анно,/ темже вино кровей твоих/ теплотою слезных ток растворивши,/ едину от обою чашу страдания испила еси/ и, яко шипок благоуханен, // злосмрадие безбожия потребила еси.

Стих: Приведутся Царю девы // в веселии и радовании.

Аще мучителие яростнии/ ласкании и угрозами/ тщахуся разорити/ течение твоё ко спасению,/ обаче, преподобней руке к Богу воздевающие,/ Амалика мысленнаго победила еси/ и, целомудрия свещу елеем кровей твоих восполнивши,/ с мудрыми девами в невестник Христов возшла еси, // страстотерпице Анно славная.

Слава, глас 6:

Благодать Божию невредиму/ житием сохранивши,/ в меру возраста исполнения Христова достигла еси,/ богомудрая матери Анно,/ и, яко пшеница, на ниве Российстей возвращенная,/ серпом мучения в Небесныя житницы собрана бысть./ Темже, Богу ныне предстоящи, // моли о верою и любовью чтущих тя.

И ныне, праздника

Тропарь, глас 5:

Христа Господа Иисуса верная ученице,/ Церкви Российския избранная агнице,/ преподобная страстотерпице Анно,/ лёгкое иго и язвы Господни любовью носящи,/ лестницею мучений/ к Нему яко Небесному Жениху востекла еси,/ Егоже моли сохранити в благочестии люди Российския // и спасти души наша.

НА УТРЕНИ

По стихословии седален, глас 3:

Кто не подивится богоразумию твоёму, досточудная матери Анно,/ яко Господу неотступно последующи и о спасении души твоея умоляющи,/ крепость на гонители Церкви Русския обрела еси./ Сего ради мы евангельски вопием ти:/ о жено, вера твоя спасе тя.

Слава, и ныне, праздника.

Величание:

Величаем тя,/ страстотерпице преподобная матери наша Анно,/ и чтим честная страдания твоя,/ яже за Христа/ во утверждение на Руси Православия// претерпела еси.

Псалом избранный:

1-й лик: Бог нам Прибежище и Сила, Помощник в скорбех, обретших ны зело.

2-й лик: Приведутся Царю девы, в веселии и радовании.

1-й лик: Исповемся Тебе в людех, Господи, пою Тебе во языцех.

По полиелее седален, глас 1:

Яко жена евангельская закваску в три меры муки вложи,/ тако ты, достохвальная, верою Православною и страданием/ тричастное души твоея освятила еси:/ разум истиною Христовою,/ желания волею Божиею,/ чувства же любовью ко Господу,/ и сим на Церковь Русскую ополчившаяся/ посрамила еси, преподобномученице Анно.

Слава, и ныне, праздника.

Степенна, 1-й антифон 4-го гласа. **Прокимен, глас 4: Вся слава дочери Царевы// внутрь ея.** Стих: Рясны златыми одяна и преиспещрена. Всякое дыхание: Евангелие от Матфея, зачало 104.

По 50-м псалме стихира, глас 6:

Днесь невеста Христова,/ страстотерпице Анно славная,/ кровью мученическими украшенная,/ яко голубица короткая,/ криле поста и молитвы имущая,/ в чертог Небесного Жениха возлетевши,/ с лики святых новомучеников Российских/ Престолу Божию предстоит// и славит Превечного Бога.

Канон праздника и святой, Глас 8.

Песнь 1

Ирмос: Поим Господеви,/ проведшему люди Своя сквозе Черное море,// яко Един славно прославися.

Приими пение, Анно благославная,/ цвete благоуханный Церкви Русския,/ от почитающих любовью постнические и мученические подвиги твоя.

Ревностью по Бозе/ стремления богохульная в Русстей земли посрамила еси/ и фараоны мысленныя в мори кровей твоих потопила еси, славная.

Исушивши постом море страстное,/ мучения стезю безбедно прошла еси/ и в Небесных селениях водворилася еси, Анно богоблаженная.

Богородичен: Тебе Предстательницу имущия, Пречистая,/ славыя жены, постом и страданием змиеву державу сокрушившия,/ славу Небесную обретоша.

Песнь 3

Ирмос: Ты еси утверждение/ притекающих к Тебе, Господи,/ Ты еси Свет омраченных,// и поет Тя дух мой.

Веры Православныя щит восприемши/ и одеждою целомудрия облечися, матери Анно,/ козни диавола, на тя устремленныя,/ мужественно отразила еси.

Евангелия исповедница и Православия ревнительница,/ невеста чистая Христу Богу и украшение земли наша явилася еси,/ страсотерпице Анно, доблестная матери.

Доблественне Богу работавши,/ плоть распяла еси со страстьми и похотьми/ и души твоея, матери Анно,/ любви ради Христовы не пощадила еси.

Богородичен: Тебе, Богородительнице, предстоят честныя жены,/ пощением крепко подвизавшия/ и мужественно врага низложившия.

Кондак и икос праздника

Седáлен, глас 4:

Украсíвши дýшу твою́ красото́ю крóткого и молчали́ваго дýха,/ тéло же я́звами мучéния удобрívши,/ Краснéйшему добрóтою, пáче сынóв челове́ческих, предста́ла есí,/ за Русь многострадáльную моля́щися,/ преподобномúченице Анно честна́я.

Сла́ва, и ны́не, праздни́ка

Песнь 4

Ирмо́с: Услы́шах, Го́споди,/ смотре́ния Твоего́ та́инство,/ разуме́х дела́ Твоя́// и просла́вих Твое́ Божество́.

Ум вперívши к Бо́гу,/ Амалíка зломы́сленнаго победи́ла есí моли́твою, ма́ти Анно,/ и, я́ко мученица сла́вная, страда́ния за Христа́ претерпе́ла есí.

Тве́рдость ве́ры Правосла́вныя показáвши, преподобномúченице Анно,/ до́блественныя по́двиги поста́ яви́ла есí/ и мучéния претерпе́ла есí,/ си́лою Креста́ Христо́ва укрепля́ема.

Страсте́й безобра́зия совлéкшися, сла́вная,/ а́нгельский о́браз восприя́ла есí/ и страда́нием Христу́ Бо́гу сочета́лася есí.

Богородичен: Богома́ти Пречи́стая,/ Госпо́дь от Тебе́ неизрече́нно плоть прия́т,/ сего́ ра́ди жен естество́, иногда́ под кля́твою бы́вшее, ны́не возвели́чися.

Песнь 5

Ирмо́с: Утреню́юще вопи́ем Ти:/ Го́споди, спаси́ ны,/ Ты бо есí Бог наш,// ра́зве Тебе́ ино́го не ве́мы.

Я́ко сокрови́ще многоце́нное, спасéния усéрдно взыску́ючи, преподо́бная ма́ти,/ Христу́ усéрдно последовала есí/ и крест мучéния мýжественне подъя́ла есí.

Ца́рства Небе́снаго возжелéла есí, досточúдная Анно,/ те́мже, дýшу твою́ пока́нием очи́стивши,/ по́двиги страда́ния терпели́вно подъя́ла есí.

А́нгели светоно́снии дивя́щиеся терпе́нию тво́емú, ма́ти сла́вная,/ ду́шу твою́, благода́тию освяще́нную,/ Престо́лу Го́спода вы́шних Сил приве́доша.

Богоро́дичен: Покро́в и Засту́пницу Тя иму́ща, Всечи́стая,/ жены́ благочести́выя земли́ на́шей во дни безбо́жия не отверго́шася Го́спода,/ оба́че, изгна́ния и бе́дствия му́жественне претерпева́ющая,/ непобежде́ны пребы́ша.

Песнь 6

Ирмо́с: Ри́зу мне пода́ждь све́тлу,/ оде́йся све́том, я́ко ри́зою,// Многоми́лостиве, Христé Бо́же наш.

Ри́зу плóти твоея́ совлéкши воздержáнием и мучéнием, боголюбе́зная Анно,/ ри́зу спасéния от Христа́ Бо́га невестолéпно восприя́ла еси́/ и тем во тьме безбо́жия досточу́дно в стране́ на́шей просия́ла еси́.

Ю́зы темни́чныя, глад и гонéния/ претерпéла еси́ му́жественне, преподобномучени́це Анно,/ и тем о́браз véры и благочéстия Росси́йским жена́м яви́ла еси́.

День и ночь простира́ла еси́, страстоно́сице, преподо́бней ру́це твои́ к Бо́гу,/ Еди́ному могу́щему сохра́нити Русь в Правосла́вии,/ тем ты ублажа́ем.

Богоро́дичен: Жены́, постóм и страда́нием Го́споду угоди́вшия,/ егда́ благочéстие поноше́нию предаде́ся в стране́ на́шей,/ ны́не непреста́нно мо́лятся Сы́ну Тво́емú, Пречи́стая,/ да утверди́тся Цérковь Ру́сская.

Конда́к, глас 4:

Я́ко крин багряновидный,/ посреде́ те́рний безбо́жия/ в земне́м Оте́честве тво́ем процвела́ еси́,/ преподобномучени́це Анно честна́я,/ по́двиги воздержáния страда́нием украси́вши,/ востекла́ еси́ к Небе́сному Жениху́ Христу́,// И́же увенча́ тя красото́ю сла́вы нетле́нныя.

И́кос:

Ка́ко воспойм тя, Цérкве Ру́сския похвалу́, достоблаже́нная преподобномучени́це Анно,/ от ю́ности житéйская попече́ния отринувшую/ и благу́ю часть и еди́ное на потре́бу избра́вшую,/ преподо́бие за́конным мучéнием запечатле́вшую/ и сего́ ра́ди

сподобльшуюся хранити и исполнити слово Христа Бога нашего,/ Иже увенча́ ты красото́ю сла́вы нетле́нных.

Песнь 7

Ирмо́с: О́троцы евре́йстии в пещи́/ попра́ша пла́мень дерзнове́нно/ и на ро́су о́гнь преложи́ша, вопи́юще:// благослове́н еси́, Го́споди Бо́же, во ве́ки.

Еле́ем благода́ти о́гнь любве́ ко Христу́ распала́ющи/ и гоне́ния мучи́телей нивоче́мже вменя́ющи,/ бо́дренне о́гня ве́чнаго избе́гла еси́/ и к Небе́сному Жениху́ твоему́ возшла́ еси́, преподо́бному́ченице сла́вная.

Вавило́ни дщере́ ока́янная ме́рзкое порождéние,/ безбо́жию хотя́щее преда́ти зе́млю Ру́сскую,/ о ка́мень страда́ния твоего́ псаломски разби́ла еси́, преподо́бному́ченице Анно.

Воздержáния росóю пла́мень страсте́й погаси́ла еси́, многострада́льная,/ и то́ки крове́й твои́х напа́сти богоху́льные потопи́ла еси́,/ о́браз ве́рным лю́дем явля́ющи.

Богоро́дичен: Я́ко Бо́га ро́ждшую плóтию, Пречи́стая,/ нра́вом благоче́стным чтим Тя непреста́нно,/ вку́пе с честны́ми жена́ми,/ постóм просия́вшими и страда́ньми врага́ низложившими.

Песнь 8

Ирмо́с: Седмери́цею пещь/ халде́йский мучи́тель/ богочестíвым неистовно разжже́,/ си́лою же лу́чшею спасéны сия́ ви́дев,/ Творцу́ и Изба́вителю вопия́ше:/ о́троцы, благослови́те,/ священни́цы, воспойте,// лю́дие, превозно́сите во вся ве́ки.

Спасéтся жена́ чадоро́дием, вещáет апóстол./ Ты же, преподо́бному́ченице Анно, мно́гия добродéтели породивши,/ я́ко лоза́ плодови́та, в вертогра́де Цérкве Ру́сския яви́лася еси́/ и страда́ньми твои́ми вино́ спаси́тельное источи́ла еси́/ сла́вающим о тебé Христа́ во ве́ки.

Любо́вию Христо́вою уязви́вшись,/ к страда́нию востекла́ еси́,/ распéнши плоть со страстьми́ и похотьми́, Анно,/ и, свещу́ душе́вную неугаси́му дея́нием храня́щи,/ мучéние я́ко ве́но Невестокраси́телю душ принесла́ еси́,/ превозно́сящи Его́ во ве́ки.

Е́вино преслу́шание, породив́шее смерть, при́сно помышля́ющи, достосла́вная Анно,/ пе́рвое возжелáла еси́ умре́ти ми́ру в послуша́нии

заповедем Христовым,/ последї же мучѣнием похоти плоти совлещїся./
Тем, на Небо возшѣдши,/ Троицу Святую благословїши во вѣки.

Богородичен: С новомученики и исповѣдники Россійскими,
Пречїстая,/ и всѣми святѣми женами/ умоли Единаго во святѣх
почивающаго/ сохранити зѣмлю нашу, славословящую Тя во вся вѣки.

Песнь 9

Ирмос: Ужасѣся о сем Небо,/ и земли удивїшася концѣ,/ яко Бог
явїся человеком плотски/ и чрево Твое бысть пространнейшее Небес./
Тем Тя, Богородицу,// Ангелов и человек чиновачалїя величают.

Дары Христу любовию принесла еси, преподобномученице Анно,/
молїтву яко злато, пощѣние яко ливан и страданіе яко смїрну./ Тем ты
благочѣстно величаем.

Елеем целомудрия и крѣвїю страданїя преукрашена,/ вся добра
явилася еси/ и Единому дѣвственному Жениху обручїлася еси./ Егѣже
молї спастїся почитающим память твою, преподобномученице славная.

Яко горлица пустыннолюбная, превитаючи в Горний Сион,/ верою
Православною от сѣти ловящих избавилася еси, страдалице честная,/
видимых и невидимых враг посрамивши./ Темже ты купно с ангельскими
лики почитаем.

Богородичен: Тебѣ, Всепѣтую Владычицу,/ яко Всецарїцу, Христу
Царю предстоящую,/ вкупе с преподобномученицею Анно достойно
величаем.

Светїлен:

Духом просвещаемая, преподобномученице Анно,/ исповѣданием
Христа возсияла еси в Цѣркви Русстей./ Сего ради светом Небесным
чтущїя ты озари, мати всехвальная.

Слава, и ныне, праздника

На хвалїтех стихїры праздника и святой, глас 8.

О страсотѣрпице Анно,/ ты все житїе твое ввергла еси/ в
сокрѣвищницу Цѣркве Русския,/ яко вдовица две лѣпте,/ воздержаніем и
страданіем,/ молїтвою и чистотою,/ помышляючи, яко лучши
праведнику малая,/ паче богатства многа грѣшному,// и ныне, яко мудрая
дѣва, восхваляеши Господа.

О, пресла́внаго чудесе́!/ Ве́рою иногда́ кровото́чивая жена́/
воскри́лию рíзы Христо́вы прикосну́ся,/ и а́бие ста́ша то́цы кро́ве ея́,/ ты
же, честна́я, криле́ крестнеи восприе́мши,/ кровью́ тво́ими, за Христа́
излива́емыми,/ течéние безбо́жия в землѣ́ Ру́сстей посрами́ла еси́,/ и я́ко
жена́, лю́бящая Го́спода,// досто́йно похваля́ешься.

Ми́ру умёршую изволéнием/ и плóти за Христа́ не пощаде́вшую,/
Человеколю́бец Господь́ воздвѣ́же тя,/ я́ко дщерь Иа́ирову,/ к Небѣ́сней
жизни и безсме́ртней трапéзе,/ сла́вная преподо́бномученице́ Анно́,/ и
ны́не в Це́ркви Ру́сстей,/ я́ко во вратѣ́х Иерусали́ма дщѣ́ри Сио́ни,// о тебѣ́
хва́лы Емú возсыла́ем.

Сла́ва, глас 4:

Сле́зы по́стнические и ми́ро крове́й/ мно́гою ве́рою и любóвию
Христу́ принесла́ еси́,/ преподо́бномученице́ всечестна́я,/ и ны́не
дерзнове́ние има́ши/ моли́ти о прощё́нии грехо́в наро́да Ру́сского,/
прося́щи Правосла́вней Це́ркви утвержде́ния,/ Оте́честву на́шему
благостоя́ния// и всем лю́дем ве́лия ми́лости.

И ны́не, праздни́ка

Славосло́вие вели́кое. И отпу́ст.

НА ЛИТУРГІИ

Прокі́мен, глас 4: Бо́же, дщѣ́ри царѣ́й// в че́сти Твоѣ́й. Стих:
Приведу́тся Царю́ де́вы в след Ея́.

Апо́стол святой к Корінфяном, зача́ло 181.

Аллилу́ия, глас 1: Искренни́я Ея́ приведу́тся Тебе́. Стих: Приведу́тся
в весе́лии и ра́довании, введу́тся в храм Царе́в.

Ева́нгелие святой от Луки́, зача́ло 33.

Прича́стен: В па́мять ве́чную бу́дет пра́ведник:

Моли́тва

О всехва́льная преподо́бномученице Анно, крѣ́ткая Христо́ва а́гнице, земли́ Росси́йския цвѣ́те благоуханный, избра́нная, непоро́чная и до́брая в жена́х! Ты любѣ́вию послѣдовала еси́ Христу́, благо́е ѿго за́поведей Его́ терпели́во подъя́вши и я́звы Его́ преподо́бием нося́щи; во дни же гоне́ний на Це́рковь Ру́сскую му́жественне во испове́дании Правосла́вныя ве́ры пребыла́ еси́ и, жити́е мона́шеское по́двигом муче́ния увенча́вши, в черто́г Небе́снаго Жени́ха возшла́ еси́. Те́мже мо́лим тя, сла́вная в жена́х мученице: моли́ Це́ркви на́шей в ми́ре и благоде́нствии пребыва́ти, держа́ве же Росси́йстей непоколеби́мей в Правосла́вии и ми́ре сохрани́тися и всех враго́в сокруши́ти; жена́м, по́двиг ино́чества вопри́мшим, во благоче́стии и послуша́нии мона́шеских укрепи́тися, в ре́вности по Бо́же не оскудева́ти и неро́потным, бо́дренным и благода́рным всегда́ бы́ти; нам же, любѣ́вию тя почита́ющим, испроси́ вре́мя на пока́яние, тве́рдость во испове́дании ве́ры и́стинныя, заступле́ние от ко́зней вра́жиих и на Стра́шнем Суде́ предстоя́ние одесну́ю Го́спода на́шего Иису́са Христа́, Ему́же со Отце́м и Святы́м Ду́хом подоба́ет всякая сла́ва, честь и поклонѣ́ние, ны́не и при́сно, и во ве́ки веко́в. Ами́нь.